

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA CENTAR SARAJEVO
Općinski načelnik



Bosnia and Herzegovina
Federation of Bosnia and Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и Херцеговине
Кантон Сарајево
Град Сарајево
ОПШТИНА ЦЕНТАР САРАЈЕВО
Општински начелник

Na osnovu člana 69. Statuta Općine Centar Sarajevo – prečišćen tekst ("Službene novine Kantona Sarajevo", broj: 23/04), člana 5. Pravilnika o stipendiranju učenika i studenata „Prof. dr. Husein Kulenović“ broj: 53/23), Pravilnika o izmjenama i dopunama pravilnika o stipendiranju učenika i studenata „Prof.dr. Husein Kulenović“ broj: 01-34-254/25 od 27.11.2025. godine, Općinski načelnik raspisuje

JAVNI POZIV

za stipendiranje učenika/studenata u školskoj/akademskoj 2025/2026. godini

I Opis programa

Cilj ovog programa je finansijska pomoć koja se dodjeljuje pojedincima na temelju njihovog zalaganja i vlastitog uspjeha. Stipendije otvaraju pristup obrazovanju zaslužnim pojedincima i onima kojima bi bez dodatnih finansijskih sredstava obrazovanje bilo otežano ili nedostupno, povećavajući tako lakši pristup obrazovanju i svim obavezama koje ono nosi.

II Ostvarivanje prava

Pravo na stipendiju imaju državljani Bosne i Hercegovine, koji se nalaze na redovnom školovanju u srednjim i visokoškolskim ustanovama koji:

- a) imaju prebivalište na području općine Centar u neprekidnom trajanju od godinu dana do dana podnošenja prijave za dodjelu stipendije.
- b) su starosti do 27 godina,
- c) nisu obnavljali godinu,
- d) su u prethodnoj školskoj/akademskoj godini postigli uspjeh u školi, odnosno fakultetu/akademiji i to:
 - učenici srednjih škola sa najmanjom prosječnom ocjenom od **4,00**, a učenici prvog razreda srednje škole koji su u devetom razredu stekli prosjek ocjena **4,00**;
 - redovni studenti fakulteta/akademija I i II ciklusa, koji prvi put upisuju tekuću studijsku godinu na nekoj od visokoškolskih ustanova sa najmanjom prosječnom ocjenom **8,00**, a studenti prve godine fakulteta/akademije koji su u četvrtom razredu srednje škole stekli prosjek ocjena od najmanje **4,00**;

Svi učenici sa ukupnim prosjekom ocjena **5,00** kao i učenici prvog razreda srednje škole koji su u šestom, sedmom, osmom i devetom razredu osnovne škole ostvarili prosjek 5,00, te studenti sa prosjekom ocjena (**9,00**) i više ostvaruju pravo na dodjelu stipendije, bez obzira na ukupan broj bodova prikupljen na osnovu drugih kriterija.

Pravo na stipendiju ostvarit će djeca bez oba roditelja koja se nalaze na redovnom školovanju u srednjim školama i visokoškolskim ustanovama, koji imaju prebivalište na području općine u neprekidnom trajanju od godinu dana do dana podnošenja prijave.

III Kriterij bodovanja za dodjelu stipendije

Stipendije za učenike/studente dodjeljivat će se na osnovu broja bodova koji se utvrđuju za svakog prijavljenog kandidata na osnovu postignutog uspjeha u učenju u prethodnoj školskoj/akademskoj godini i dodatnih bodova ostvarenih po osnovu:

- rezultata postignutih na takmičenjima iz oblasti obrazovanja, nauke i umjetnosti koja se realizuju u skladu sa kalendarom takmičenja ministarstva nadležnog za poslove obrazovanja u Kantonu Sarajevo (izuzev rezultata ostvarenih na takmičenjima iz sporta);
- završenog dodatnog obrazovanja (osnovna muzička škola);
- dostignuća u sportu (status perspektivnog sportiste);
- utvrđenog invaliditeta učenika/studenata.

U slučaju da prijavljeni kandidati imaju jednak broj bodova, prednost će imati:

- kandidat koji ima više bodova po osnovu rezultata u učenju,
- kandidat iz viših razreda.

IV Način prijave i potrebna dokumentacija

Učenici svoju prijavu na Javni poziv dostavljaju putem online aplikacije <https://estipendije.ks.gov.ba> koja će biti objavljena na stranici Općine Centar Sarajevo u dijelu Javni pozivi i konkursi.

Prilikom prijave putem aplikacije kandidati su dužni priložiti (**uploadovati u pdf formatu**):

- Uvjerenje o kretanju (obrazac PBA-4A),
- Ovjerena Izjava o saglasnosti za obradu ličnih podataka (koja se nalazi u sklopu Javnog poziva)
- Rješenje o invalidnosti kandidata.

Studenti i učenici koji pohađaju škole koji nisu dio EMIS sistema svoju prijavu dostavljaju lično na protokol Općine Centar ili poštom preporučeno na adresu Mis Irbina 1, uz naznaku „Prijava za stipendiranje učenika/studenata“

Uz prijavni obrazac potrebno je dostaviti sljedeću dokumentaciju (original ili ovjerena kopija):

a) Obavezna dokumentacija:

- Potvrda o upisu u tekuću školsku/akademsku godinu;
- Svjedočanstvo o uspjehu u prethodnoj školskoj godini;
- Uvjerenje o prosjeku ocjena u prethodnoj akademskoj godini sa upisanim brojem ECTS bodova po predmetu i ukupan broj, a za studente I godine svjedočanstvo završnog razreda srednje škole;
- Uvjerenje o kretanju za kandidata (MUP KS PU Centar ili Sektor za građanska stanja Centar-šalter sala Općine Centar);
- Potvrda iz banke o otvorenom bankovnom računu (ukoliko maloljetni kandidat nema otvoren bankovni račun, priložiti potvrdu bankovnog računa roditelja/staratelja, te JMBG nosioca računa);
- Dokaz da je učenik/student bez oba roditelja (za kandidata koji ostvaruje pravo po tom osnovu);
- Izjava:
 1. kojom se daje saglasnosti za obradu ličnih podataka,
 2. da učenik/student ne prima stipendiju po nekom drugom osnovu (info pult Općine Centar).

b) Dodatna dokumentacija (za kandidate koji žele ostvariti dodatne bodove)

- Dokaz o učešću i postignutim rezultatima na kantonalnim, federalnim, državnim, međunarodnim takmičenjima i olimpijadi;
- Dokaz da je učenik ostvario status perspektivnog sportiste Kantona Sarajevo u prethodnoj školskoj godini;
- Dokaz da kandidat ima završenu osnovnu muzičku školu;
- Rješenje o invalidnosti kandidata.

V Visina i broj stipendija

Stipendije se dodjeljuju za jednu školsku godinu i isplaćuju se za (10) mjeseci, a prema usvojenom Planu stipendiranja. Visina mjesečne stipendije za učenike/studente iznosi:

Učenici

- a) za učenike srednjih škola sa prosječnom ocjenom od 4,00 do 4,49 - 120,00 KM;
- b) za učenike srednjih škola sa prosječnom ocjenom od 4,50 do 4,99 - 150,00 KM;
- c) za učenike srednjih škola sa prosječnom ocjenom od 5,00 - 200,00 KM;
- d) za učenike srednjih škola bez oba roditelja - 150,00 KM

Studenti

- a) za studente prve godine fakulteta sa prosječnom ocjenom iz četvrtog razreda srednje škole od 4,00 do 4,49-120,00 KM;
- b) za studente prve godine fakulteta sa prosječnom ocjenom iz četvrtog razreda srednje škole od 4,50 do 4,99-150,00 KM;
- c) za studente prve godine fakulteta sa prosječnom ocjenom iz četvrtog razreda srednje škole od 5,00-200,00 KM;
- d) za studente sa prosječnom ocjenom od 8,00 do 8,49-150,00 KM
- e) za studente sa prosječnom ocjenom od 8,50 do 9,49-200,00 KM
- f) za studente sa prosječnom ocjenom od 9,50 do 10,00 - 250,00 KM
- g) za studente bez oba roditelja - 200,00 KM

Dodjela stipendija vršit će se nakon usvajanja Budžeta za 2026. godinu.

VI Ostale informacije

Pristigle prijave obrađuje Služba i objavljuje preliminarnu rang listu na oglasnoj ploči i web stranici Općine Centar Sarajevo. Preliminarni rezultati će se objaviti pod šifrom koje će za učenike biti dodijeljenja kod povratnog mail-a o uspješnom apliciranju, a studentima prilikom predaje prijave na protokol.

Na preliminarnu rang listu kandidati mogu u roku od osam dana od dana objavljivanja iste, podnijeti pismeni prigovor Komisiji za razmatranje prigovora. Rok za podnošenje prijave je 15 dana.

Svaki prijavljeni kandidat na konkursu pismeno se obavještavaju o rezultatima konkursa u roku od 15 dana od dana donošenja konačne odluke.

Pravo na stipendiju ne mogu ostvariti učenici/studenti koji koriste stipendiju po istom osnovu kao i oni koji su obnovili godinu, te studenti apsolventi.

Nepotpune i neblagovremene prijave neće se uzimati u razmatranje.

Prijavu na Konkurs (koju možete naći na web stranici www.centar.ba ili lično preuzeti na info-pultu Općine Centar Sarajevo) sa potrebnom dokumentacijom dostaviti lično na protokol Općine

Centar Sarajevo ili poštom preporučeno na adresu Mis Irbina 1, uz naznaku „Prijava za stipendiranje studenata“

Sve dodatne informacije mogu se dobiti u Službi za obrazovanje, društvene djelatnosti, kulturu i sport putem telefona: 033/562-393 i na e-mail: obrazovanje@centar.ba

Rok za podnošenje prijave je 15 dana, počev od 15.12.2025. do 30.12.2025. godine do 00:00 sati.

Napomena:

U slučaju da učenici imaju poteškoće prilikom popunjavanja online aplikacije, za pomoć pri apliciranju i podršku, mogu se obratiti Službi za obrazovanje, društvene djelatnosti, kulturu i sport, kancelarije 314/317, III sprat, svaki radni dan u periodu od 9:00 do 15.00 sati.

OPĆINSKI NAČELNIK

Srđan Mandić